

Headlines

1. उपराज्यपाल मनोज सिन्हा होरें Kashmir Nativity regained नांs दी किताब दा विमोचन कीता, उनें आखेआ कश्मीर घाटी च कश्मीरी पंडितें दी पूरे मान ते सुरक्षा कन्नै वापसी प्रधानमंत्री नरेंद्र मोदी हुंदा धेइया ऐ।
2. सरकार नै विधानसभा च दस्सेआ जे कश्मीर घाटी आस्तै 4 नमियां रेल लाइनां प्रस्तावित कीतियां गेइयां न ते इंदे सरबंधत सर्वे जारी ऐ।
3. जम्मू-कश्मीर सरकार नै J&K SCARD बैंक गी बंद करने दा कम्म शुरू कीता, खाताधारकें दे हितें दी रक्षा दा दोआया भरोसा।
4. जम्मू-कश्मीर सरकार नै विधानसभा च जानकारी दित्ती जे मकामी निकाएं च ओ.बी.सी आरक्षण दित्ता जाह्गा।
5. राजौरी जिले च बन्ने कन्ने लगदे इलाके दा बसनीक दो विदेशी पिस्तालें ते बरूद कन्नै गिरफ्तार।

<><><><><><>

LG Book Release

उपराज्यपाल मनोज सिन्हा होरें जम्मू यूनिवर्सिटी च प्रो. अशोक कोल हुंदे आसेआ लिखी दी कताब Kashmir Nativity Regained गी जारी कीता। इस कताब च कश्मीरी पंडितें दा पलायन ते आतंकवाद दे दौर गी दर्शाया गेदा ऐ। इस मौके पर बोलदे होई उपराज्यपाल होरें आखेआ जे कश्मीरी पंडितें दी सम्मानजनक वापसी ते उंदी सुरक्षा लेई प्रधानमंत्री नरेंद्र मोदी हुंदी अगुवाई आहली सरकार बचनबद्द ऐ। उनें आखेआ जे 2019 थमां जम्मू-कश्मीर बड्डे बदलाव आहले दौर थमां लंघा'रदा ऐ।

<><><><><><>

Rly.Projects

सरकार नै वीरवारें विधानसभा च अज्ज दस्सेआ जे कश्मीर घाटी च 4 नमीं रेलवे लाइनें आस्तै उत्तर रेलवे नै थाहरें दा सर्वे शुरू करी दित्ता ऐ ते जमीन दे मालकें दी परियोजना मंजूर होने मगरा कनून स्हाबै पैसैं दा भुगतान कीता जाह्ग। रेलवे दे विस्तार बारै विधायक जावेद हसन बेग हुंदे सवाल दे जवाब च यातायात विभाग नै आखेआ जे प्रस्तावित नमीं लाइनें च बारामुला, उड़ी, सोपोर, कुपवाड़ा, अनंतनाग, बिजबिहाड़ा ते काकापोरा शोपियां शामिल ना। सरकार नै आखेआऐ जे जिला प्रशासनें कन्नै सलाह-मिश्वरे दे बाद प्रस्तावित लाइनें गी तोड़ने सरबंधी अखीरी फैसला लैता जाह्ग।



SCARD-Bank

सहकारी मंत्री जावेद अहमद डार होरें अज्ज दस्सेआ ऐ जे जेएण्डके स्टेट कार्पोरेशन एग्रीकल्चर एंड रूरल डिवेलपमेंट बैंक लिमिटेड जेड़ा के 1962 च जम्मू-कश्मीर सहकारी सोसाइटीज कनून 1960 हेठ स्थापित कीता गेआ हा, बैंकिंग विनियम अधिनिमम 1949 हेठ पंजीकृत नेई ऐ ते इस्सै लेई एहू भारती रिजर्व बैंक दे पूर्वालोकन च नेई आंदा ऐ। मंत्री होरें भरोसा दोआया जे सरकार खाताधारकें दे हितै दी रक्षा करोग। विधायकें डॉ. राजीव कुमार भगत, विक्रम रंधावा, सुरजीत सिंह सलाथिया ते विजय कुमार हुंदे मिले-जुले दे सवालें दे जवाब च मंत्री होरें एहू गल्ल आक्खी।



CBC-Workshop

VB Gram G प्रधानमंत्री कौशल विकास योजना ते राश्ट्री पशु मिशन सरबंधी इक ध्याड़े दा समावेशी संचार ते पुज्ज बधाने आले कार्यक्रम दा सरिस्ता कीता गेआ। केंद्री संचार ब्यूरो पुंछ, सूचना ते प्रसारण मंत्रालय नै इस कार्यक्रम दा सरिस्ता आई.टी.आई सुरनकोट च कीता। सरकारी डिग्री कॉलेज सुरनकोट ते आई.टी.आई ते छात्र, स्टाफ नै इस कार्यक्रम च बदी चढियै हिस्सा लैता।



Prog. Announcement

आकाशवाणी जम्मू दा क्षेत्रीय समाचार एकांश अंतरराष्ट्री मां बोली ध्याड़े-इंटरनेशनल मदर लैंग्वेज डे गी मनाने सरबंधी 21 फरवरी 2026 गी 30 मिंटे दी अवधि आला इक खास चर्चा कार्यक्रम प्रसारित करने जा'रदा ऐ। इस खास प्रसारण दा विशेषार ऐ-Youth voices on multilingual education यानि बहुभाषी शिक्षा बारै नौजोआनें दी आवाज। एहू कार्यक्रम शनिवारें 21 फरवरी दपैहरी साडे 12 बजे प्रसारित कीता जाहगा। यूनिवर्सिटी ऑफ जम्मू दे डोगरी विभाग दी साबका विभागाध्यक्ष प्रो. वीणा गुप्ता होर एहूदे च स्टाडी परौहिनयां न जेड़ियां विषे पर अपने माहिराना विचारें गी स्टाड़े कन्नै सांझा करडन। इस कार्यक्रम दी मेजबानी स्टाडी न्यूज एंकर श्रुति खजुरिया होर करडन।

<><><><><><>

OBC-Panchayats

जम्मू-कश्मीर सरकार नै विधानसभा च दस्सेआ जे पंचैत ते शेहरी मकामी निकाएं च दुई पिछड़ी जातिएं आस्तै आरक्षण बारै कोई अंतिम फैसले लैन। बाकी बावजूद एहूदे जे ऐसा आरक्षण जम्मू-कश्मीर मकामी निकाएं कनूनें 2024 च परिकल्पित कीता गेआ ऐ। विधायक सुनील शर्मा हुंदे सवाल दे जोआब च सरकार नै आखेआ जे 2024 कनून च संशोधन दुई पिछड़ी जातिएं आस्तै ग्रामीण ते शहरी मकामी निकाएं च आरक्षण प्रदान करदा ऐ। सरकार नै अगगे दस्सेआ जे 3 सदस्यीय आयोग सेवानिवृत्त न्याधीश जनक रोज कोतवाल हुंदी अध्यक्षता च ओ.बी.सी आरक्षण कोटा बारै तय करोग।

<><><><><><>

Border Resident Arrested

जिला राजौरी च बन्ने कन्नै लगदे इलाकें दा बस्तीक 2 विदेशी पस्तौलें ते असले कन्नै हिरासत च लैता गेआ। आकाशवाणी जम्मू संवाददाता नै जानकारी दित्ती ऐ जे नौशहरा सेक्टर च नियंत्रण रेखा दे कोल रौहने आहले सचिन कुमार गी गश्त करा'रदी सेना नै रेपर ग्रांड थमां बुधवार चिरे राती हिरासत च लैता। 1 तुर्की ते 1 चीन च बनी दी 2 पिस्तौलां, 4 मैगजीनां ते 15 रौंद बी सचिन कुमार कोला बरामद कीते गए न। एहूदे खिलाफ मामला दर्ज करिए जांच शुरू करी दित्ती गेई ऐ। शुरूआती पुच्छ-गिच्छ च पता लगगा ऐ जे आरोपी कथित तौरा पर बन्ने पारा भेजेआ गेदा समान लैदा हा।

Dhigri-Cultivation

राईबाई विभाग उधमपुर नै डिंगरी गी राने सरबंधी ग्राएं दी महिलाएं गी जानकारी दित्ती। उनें रसायन ते गर्म पानी दे इस्तेमाल बारै जागरूक कीता कीजे इस चाल्ली दी राईबाई दी ग्राएं थाहरें च बड़ी छमता ऐं मशरूम विकास अधिकारी उधमपुर विनोद गुप्ता ते उंदी टीम नै महिला करसानें गी डिंगरी गी उगाने सरबंधी मौकें पर गै बवहारिक तरीके कन्नै तफसीली जानकारी सांझा कीती। एहू महिला करसान घनोरी पंचैत थमां स्वयं सहायता समूह कन्नै जुडी दियां न।



Donation-Regulation

जिला प्रशासन किशतवाड़ नै रमजान पवित्र म्हीने दरान दित्ते जाने आहले दान पर तक्क रखने सरबंधी आदेश जारी कीते न। जिला मैजिस्ट्रेट किशतवाड़ पंकज कुमार शर्मा होरें जकात ते सदका जनेई पवित्र रिवायतें दी हिफाजत करने ते कोई गलत व्यक्ति इंदा फायदा नेई ठोआ इस गल्ला गी यकीनी बनाने लेई एहू हुक्म जारी कीता ऐ। इस आदेश तैहत कोई बी व्यक्ति गैर सरकारी संगठन या फही ट्रस्ट विजन पैहले थमां लिखित इजाजत दे दान नेई लेई सकदा।



Weather

मौसम विभाग आसेआ दित्ती गेदी जानकारी मुजब औंदी 26 तरीक धोड़ी जम्मू-कश्मीर च मौसम आम तौरा पर खुशक बने रौहने दी तवक्को ऐ पर बिच्च-बिच्च कुसै-कुसै दिन किश टामी थाहरें हल्की बर्फबरी ते कनी कनोन दे असार बी दस्से गेन पर उब्बी किश किश थाहें ते छड़े उप्परले पहाड़ी इलाकें च। लोकें गी सलाह दित्ती गेदी ऐ जे कुसै बी सफर पर निकलने कोला पैहले ओहू मौसम विभाग दे निर्देश ते जारी सलाह पर निगाह जरूर मारी लैन।

